



09.maj 2019

UPA2019/183

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut nunat akornanni sammisami timersornermut tunngasumi suleqatigiinnerup annertusarneqarsinnaaneraniq mississueqqullugit kaammattorpai.

(Inatsisartunut ilaasortaqaq Aleqa Hammond, Nunatta Qitornai)

Ilaa qanoq nuannertigissagaluarpa alutornarlunilu nunat avannarliit killiit unammiaaartartuuppata, tassalu Kalaallit Nunarput, Island Savalimmiormiullu timersortatut unammiaarfingisaannik.

Nunatut immikkuullarissuuvugut atlankitup avannarpasissuaneersut, nunanut allanut sanilliulluta assigiinngitsorpassuutigut assigiiffeqartut aammalu immikkuullarissuseqartut.

Aalisarnikkut, inuussutissarsiuqarnikkut, takornariaqarnikkut aammalu peqqinnissaqarfitsigut assigiinngitsutigut suleqatigiiffeqarpugut ajunngivissumik. Suleqatigiinnitta nukittorsartuarnissaanut oqartuarpugut aammalu siunnersuutigineqartoq suleqatigiiffissatut pitsassuutut inassutigineqartoq assorsuaq isumaqatiginarpoq.

Ukiuni aggersuni nunani avannarlerni nappaatit annersarilerumaagassaattut tagginneqareernikoq tassaavoq tarnikkut nappasimanerit. Taaqqunganeq, nakkaqqaneq aammalu annikilliorneq nappaataavoq ajoraluartumik annertusiarortoq tamannalu ilisimaaralutigu sulisariaqarpugut qaamanerulersitsinissamik aammalu peqqinnartumik inooriaaseqarnissamut aqutissiuussinerit annertusarumallugit.

Nunatta allanut unammiaaqaataanermigut meeqqanut inuussuttuaqqanullu annertooujussuarmik timikkut tarnikkullu annertooujussuarmik sunniuteqartarpoq. Arctic Winter Gamesimi suleqatigiinneq assersuutissatsialaavoq torrassuaq. Ilaqutariit ataatsimoorrattarput, piuumassutsimik sullinneq annertusisarpoq, oqartussaaqatigiinneq annertusisarpoq, timersornerup oqaluuserineqarnera kajuminnerulersitsineralu pilersarput, kammalaatit nutaat, oqaatsit allat atornerinut pingaartitsineq ersertarpoq, oqartussat suleqatigiilertarput ila ila amerlalluinnaqaat iluaqutit. Arlaannaatigulluunnit apeqquserneqarsinnaanngitsumik iluaqutissaqarpoq nunat avannarliit killiit timersornikkut annertusisamik suleqatigiilerpata.

Taamaammat siunnersuut assorsuaq taperserparput siunnersuuteqartullu qutsavigaavut.